

Landesbibliothek Oldenburg

Digitalisierung von Drucken

Jonstoni Historia Naturalis

Ioannis Ionstoni|| Theatrvm|| Vniversale Omnivm|| Animalivm|| Insectorvm

Jonston, Jan

Heilbrunna, MDCCLXVIII.

VD18 90529197

Illustration: Tab. X. Muscae referendae [...]

urn:nbn:de:gbv:45:1-11095

Muscae referendae ad Tab. j.

Aldrov :

Tab. x



Ad Tab. 2. Aldrov.




Ad Tab. 3. Aldrov.



Culices

Mücken



Musca

Moufeti

Musc. Lupus.

M. Carnivora

M. Aquatica

M. Bucularia. Afilo



Afily Apiaris

M. Tabanides

M. Scorpuros

M. Bipilis Mouf. 2

M. Bip. 3.



M. uniseta

M. Mirabilis

M. quadrupelo

M. Bip. 4.

M. Tripilis

M. Bip. 5.





raceno Genevensi Medico missam fuisse, in schedis memorat. Alteram Mantis speciem ἀνθηρογραφέισαν Vienna misit Carolus Clusius e Graecia allatam quae magnitudine et forma priori similis, alium tamen colorem ex naturae locive dono accipit, habet enim cornicula saturate lutea, hiacinthinum ocellum; alas ex luteo fatiscientes; corpus reliquum amethystinum, nisi quod tibiae priores pilosioresque suffragines albescerent, et recurvae digitorum chelae nigrescerent. *Africanam* e Barbaria nostris aliquot sumptibus accersivimus, gracilem, quinque uncias longam, cucullatam, capite pyramidalis, (ut Macrocephalum putares) e cuius pene vertice duo cornicula latiuscula, unciam fere longa se erigunt, galerumque illum Turcicum, biplumem (quali Janisarii utuntur) superbientem repraesentant. Paulo infra summitatem ejus oculus utrinque emergit satis prominens, grandis, obscure rubens. Corpus illi oblongum, purpureo cruentum; cauda hirundinia, bifurca; alae quatuor subcinereae maculis quibusdam fuscis ornatae. Priores pedes tibiaeque pergraciles; posteriores, robustae, lacertosae, longae, et ex maculis transversim per femora distinctis subnigrae.

Atque haecenus de vulgaribus locustis aligeris, atque etiam rarioribus satis dictum sit: nisi forte alias differentias adjicere necessarium mecum una existimaveritis. Nam *vulgarium* facies torva, oblonga, rugosa, velut squamis munita, quae os fere contegunt: dentes illis superna parte affixi, lati nigricantes, durissimi, quibus aristas facile mandunt, maximoque cum stridore fortiter conterunt. *Graeca* vero et *Africana* locusta breviori apparet vultu, dentibusque adeo est languidis, ut mollissima tantum gramina et summitates herbae depascant. Vulgaribus antennae longae admodum; Manti vero perbreves: thorax illis durus, cartilagineus, validus; huic fere nullus, inanis, languidus. Illis item alvus mollis, longa acumina-

ta: his contra, durior, plena et torosa. Utrisque quatuor alae membranae quasi ex nervorum filis contextae; nam licet interna complicata duplex videtur, ubi tamen extenditur simplex apparet. Id quod Jodoco Willichio fraudi fuit, dum oculorum errore lapsus, sex locustis alas imprudenter adscriberet. Jucundum sane fuerit in nonnullis utriusque generis locustis animadvertere quorundam femora sexangularia, affabre in suis areis levigata, plexuque retiformi artificiose picta. Vulgares locustae oculos habent magnos et prominentes: unde ἀτέλα-βοφθαλμῆς nomen Ebulo cuidam inditum ab Athenaeo lib. 10. cap. ult.

Non alatae locustae sunt *Bruchus Attelabus* atque *Asellus*. *Bruchus* ἀπὸ τῆς βρύκειν, mordendo seu vorando nomen inditum. Quatuor eorum species: Maris prima, tres reliquae foeminarum. Mas collare gestat subcruentum, sub quo duplex pendet cucullus leviter ex flavo virens; dorsum ad caudam usque sex porraceae laminae transversim ad latera ductae adornant. Ventris (qui satis magnus) caudaeque tres illi parvi aculei ad recens natae herbae colorem accedunt flavoviridem, veluti etiam et femora, facies atque antennae; sed tibiae rubidae videntur. Prima foeminarum aeruginosa est, absque linea esset Xerampelina a caputio ad caulem per dorsum ducta: caret item aculeo in caule nascente; videtur etiam plicis vel potius quasi orbibus 10. viridibus circumcincta. Secunda fere omnino spadicea atque fusca; ventre tamen parum flavescit, aculeumque geminum gerit principio caulis infixum. Tertiae vultus, caput porcinum vel vitulum marinum refert: antennarum loco barbellam quasi juxta nasum utrinque sitam obtinet; duo in suprema fronte tubercula, urfi veluti aures repraesentant, duosque in caule habet aculeos, fusci (ut totum corpus) coloris, neque parum acutos.

Attelabus παρὰ τὸ ἀτέλει, quod tam minutis pennis conspiciantur, ut carente